

五母子經

思

吳月氏國居士支謙譯

昔者有阿羅漢在山中奉行道業有一小兒年始七歲大好道法辭母出家求作沙彌隨大沙門於山中學道給師所須誦經行道時无有懸至年八歲得慧眼能通視無極耳能微聽天上天下所為善惡皆聞知之身能飛行所在至到能分一身及人自化無所不作自知宿命所從來生及人民妓行蠕動之類所經歷善惡之道皆悉知之先世宿命為五母子時便坐自笑其師問何等而笑沙弥答言無所笑也師曰是山中亦无歌唱伎樂汝笑嗟我耳沙弥答言不敢笑師但自笑耳我一身為五母作子母皆為我晝夜啼哭感傷愁毒不能自止常念子愛思未常忽忘我自念一身而憂毒五家以是笑耳不敢笑師我與第一母作子時竝隣亦復生子與我同日而生其子出入行步我母見之便悲念我子在者亦當出入行步

佛說五母子經 第三卷 思

如是愁毒流下如雨悲言念子我為第二母作子時我短命又早死我母見人乳兒便念我悲氣涕泣言念我子我為第三母作子時我年十歲復少死母臨食悲哭泣言念我子在者亦當與我共食捨我死去使我獨食哽咽言念我復為第四母作子時我薄命先死我等輩娶婦我母見之即念我子在者亦當為子娶婦言我何負蒼天而殺我子復為第五母作子時我始年七歲好道辭家捨母隨師入山求道得羅漢道我母日日啼哭言我生一子隨師學道不知所往在飢飽寒温不知生死不復相見愁毒言念我子是五母適共一會各各言云我子相對啼哭不能相止是我一身一魄展轉而與五母腹中作子因疑惑人而使眾悲哭發狂但共念我一身耳各欲自殺是故笑耳發念世間凡人不知死當有所至生皆共言死耳凡人何能知死當有生作善自得其福作惡得其殃不有所遺人在世間皆為惡業无所畏難死後當

佛說五母子經 第三卷 思 吉

入泰山地獄中苦痛極哉後悔無所復及我厭世間勤苦故辭父母入山精進求道今我目見畜生餓鬼地獄中代之恐怖今被蒙佛恩得聞經法今我日夜憐傷五母不能自脫反愛我所求願皆以得念世間人展轉相生亦復相笑無有休息身皆歸土塊當所作隨其善惡皆不能自拔斷其恩愛能離貪欲可得度脫我以不復興生死會我恨身以斷如人不種當泥洹道取樂長復與勤苦為師說之已便飛去

佛說五母子經

癸卯歲高麗國大藏都監奉

勅彫造

五母子經

校勘記

一 底本，麗藏本。

一 此經與宋資福藏本、宋磧鈔藏本、元普寧藏本、明永樂南藏本、明徑山藏本、清藏本大異。今以清藏本作爲別本載錄於後，並校以[磧]、[普]、[南]、[徑]。